

18-06-2018

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqquut imaattoq saqqummiuppara:

Naalakkersuisunut apeqquut:

1. **Suna inatsit imaluunniit peqqussut toqqammavigalugu Inatsisartut aalajangiiffigisasatut siunnersuutaat, allannguutissatut siunnersuutaat, nassuiaatitseqqussutit, apeqquuteqaat aallaavigalugit oqallinnerit aamma Naalakkersuisunut apeqquutit oqaatsit marluk atorlugit "taamaallaat" saqqummiunneqarsinnaatitaappat?**
2. **Namminersorlutik Oqartussanut aamma pisortat suliffeqarfiutaannut ukiuni 2009 – 2016 tikillugu qanoq annertutigisumik aningaasartuutaasarpa nutserisitsineq aammalu oqalutseqarneq?**
3. **Nutserisut oqalutsillu Namminersorlutik Oqartussat avataani imillugit atorneqartartut eqqarsaatigalugit ukiuni tallimani aningaasartuutit qanoq annertutigippat, uani eqqarsaatigineqarluni 2009 – 2016.**
4. **Pisortat suliffeqarfiutaasa aamma Kommunit allaffiini nutserisitsisarneq aamma oqalutseqartarneq ukiumi 2009 – 2016-imut qanoq aningaasannorlugu annertutigaa?**

(Inatsisartunut ilaasortaq Jens Napātôk, Partii Naleraq)

Tunnngavilersuutit:

Namminersornermik aaqquissuussineq tunnngavigalugu allaqqasoqarpoq Inatsisartut oqartussaaffiini killisani Namminersornermut inatsit toqqaannartumik akuleruffigineqarsinnaanngitsoq siunertaalu allanngortillugu akuleruffigineqarsinnaanngitsoq. Taamatullu Namminersornermi Inatsimmi allaqqasoqarpoq *Kapitali 7, § 20 naapertorlugu Kalaallit oqaasii tassaapput Kalaallit Nunaanni pisortatigoortumik oqaatsit*. Inatsisartut siulittaasoqarfiata piumasaqaatigisarpaa tunnngavilersuutit qulaani allaqqasut aallaavigineqassappata oqaatsit marluk atorlugit aatsaat siunnersuutit saqqummiunneqarsinnaasut inatsisartuni.

Inatsisartunut ilaasortaq Jens Napātôk

Imaneq 1, Postboks 4120, 3900 Nuuk, E-mail.: jnapp@inatsisartut.gl Nittartagaq.: www.partiinameraq.gl
Oqarasuaatit.: +299 34 50 00 Toqqaannartoq.: +299 34 62 30 Angallattagaq.: +299 25 88 66



partii naleraq

Namminersornermi Inatsisip **Kapitali 7, § 20** periarfissippaatigut taamatullu siunertaata tikkuuppaa-tigut maani nunami kalaallit oqaasii atornerulissangigut, paarlattuanilli Inuiaqatigiinni malunnar-tumik alloriartoqarsimanngitsoq misinnarluni. Taamaattumik paaserusunnaalersimavoq aningaasat

qanoq annertutigisut maani nunami allamiut oqaasii tulluarsarfiginiarlugit atorneqarnersut paasis-sallugit pingaaruteqarluinnalerluni.

Kissaatigivara apeqqutikka ullut suliffiusut qulit qaangiutinnginneranni akineqarnissaat.

Inatsisartunut ilaasortaq Jens Napātók

Imaneq 1, Postboks 4120, 3900 Nuuk, E-mail.: jnapp@inatsisartut.gl Nittartagaq.: www.partiinaleraq.gl
Oqarasuaatit.: +299 34 50 00 Toqqaannartoq.: +299 34 62 30 Angallattagaq.: +299 25 88 66